

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO
TRAVNIK

Broj: T06 0 KT 0031304 22

Travnik, 07.03.2025.godine

OPĆINSKOM SUDU U BUGOJNU

-Sudiji za prethodni postupak-

Na temelju odredbe člana 45 st. 2 tačka i) i člana 241 st. 1 Zakona o krivičnom postupku Federacije Bosne i Hercegovine, podižem

OPTUŽNICU

Potvrđena dana 09.05.2025. godine

Protiv:

I.M.

Po Rješenju Općinskog suda u Bugojnu broj: ... od 21.07.2022.godine određen pritvor u trajanju od 20.07.2022.godine do 20.08.2022.godine do 22,25 sati.

Što je:

1. U vremenskom periodu od 01.04.2018.godine do 20.07.2022.godine, na području općine Bugojno, u namjeri pribavljanja protupravne imovinske koristi za sebe, upućivanjem ozbiljnih prijetnji oštećenom I. D. lično i preko Ž. T. kod oštećenog I. D. je izazvao strah i naveo ga da mu oštećeni na štetu svoje imovine i imovine njegove majke D. I., te imovine „Swiss Gastro“ d.o.o. Bugojno čiji je direktor T.Ž., a u koju firmu je I. D. ulagao novac preko firme „DMG Immobilien AG“ iz Švicarske vlasništvo I.D., te na taj način pribavio znatnu imovinsku korist za sebe od oštećenog I. D., a na štetu imovine I. D., D. I. i „Swiss Gastro“ d.o.o. Bugojno, svjestan da upućivanjem ozbiljne prijetnje kako bi sebi pribavio znatnu protupravnu imovinsku korist, drugog prisilio da šta učini na štetu svoje i tuđe imovine i htio to, pa je tako u mjesecu oktobru 2019.godine pmv Mercedes GLC reg. oznaka ... koje vozilo je oštećeni I. D. kupio za firmu „Swiss Gastro“ d.o.o. Bugojno na području općine Bugojno, nakon što je I.D. ostavio predmetno vozilo sa ključem u autopraonici, koji ključ je uzeo I. M. i predmetno vozilo uz ozbiljnu prijetnju upućenu I.D., „predati ćeš mi auto ili ću te zakačiti za njega i vozati po Bugojnu“ i da vozilo prepíše na osobu M.I. što je oštećeni učinio, a na štetu imovine „Swiss Gastro“, d.o.o. Bugojno preko koje firme je na dan 02.11.2020.godine oštećeni I.D. preko T.Ž. kao direktora navedene firme uplatio iznos od 27.500,00 KM sa računa otvorenog u Raiffeisen Bank d.d broj: na račun broj: ... otvoren u Unicredit Bank d.d na ime I. M. Bugojno uz opis uplate „avansna uplata ...“ i na dan 03.11.2020.godine iznos od 80.000,00 KM na račun I.M. uz opis „razlika za ...“, potom dana 29.06.2021.godine pod ozbiljnom

prijetnjom koju je uputio oštećenom I. D. „da će ga baciti sa zgrade“, „utušiti u Vrbasu i strpati u gepek“ pod kojim prijetnjama je oštećeni na štetu imovine svoje majke D.I. po punomoći broj: ... od 04.09.2019.godine zajedno sa I. M. kod notarke Jasminke Mahmutbegović zaključio Ugovor o kupoprodaji nekretnina *** i to za nekretnine koji se nalaze ZK ulošku broj 3631 K.O. ... i to k.č 1913/5 u ulici ... dvorište površine 17m² i posjedovnom listu broj 2611 K.O. ... k.č 1294/7 bunar dvorište površine 2m² i k.č 1298/1 Bunar zgrada površine 37m² i k.č 1294/7 bunar, dvorište površine 2m² k.č bunar, kuća i zgrada površine 37m² k.č 1913/5 u ulici ... dvorište površine 17m² kao posjed I. D. za iznos od 60.000,00 KM za koji novac je oštećeni pred notarkom morao izjaviti da je primio novac u iznosu od 60.000,00 KM, iako novac nije primio od I.M. jer je I.M. uz naprijed navedene prijetnje oštećenom to zaračunao kao ranije nastao dug po osnovu posudbe novca od oko 30.000,00 KM koji je I.D. vratio I.M., potom dana 05.07.2021.godine pod naprijed navedenim prijetnjama prisilio I.D. da na štetu svoje imovine I.D. pred notarkom Jasminke Mahmutbegović u prisustvu I.M. sa I.M. zaključi Ugovor o kupoprodaji nekretnina i to Ugovor o kupoprodaji nekretnine broj: na k.č 1298/3 Bunar I, zgrada na k.č 1298/3 II, zgradište površine 68m² upisane u ZK uložak broj 3020 K.O. ... i nekretnine k.č 1913/3 Bunar, kućište, površine 12m² i k.č 1913/2 bunar, gradilište površine 21m² upisane u ZK uložak broj 7262 K.O. ... i nekretnine k.č 1298/3 Bunar, kuća i zgrada (1) površine 68m², k.č 1913/2 bunar, kuća i zgrada površine 21m² i k.č 1913/3 Bunar, kuća i zgrada površine 12m² i posjedovni list broj 2994 K.O. ... u kojem su upisane nekretnine k.č 1298/3 bunar kuća i zgrada površine 68m², k.č 1913/2 Bunar, kuća zgrada površine 21m² i k.č 1913/3 Bunar, kuća i zgrada površine 12m² posjed I. D. za iznos od 160.000 KM uz Izjavu broj: ... da oštećeni M.I. po osnovu predmetnog kupoprodajnog ugovora i po Kupoprodajnom ugovoru broj:... od 29.06.2021.godine ostavlja i sav poslovni inventar u sklopu kojih nekretnina je UO „Nukleus“ za iznos od 160.000,00 KM koji novac oštećeni nikad nije primio jer mu je I.M.. zaračunavao u nepostojeće dugovanje, nakon čega je od oštećenog I.D. I.M. na osnovu zakupa predmetnog UO „Nukleus“, na štetu imovine oštećenog pod prijetnjama da će ga „baciti sa zgrade, utušiti u Vrbasu“ za mjesec dana uzimao kiriju na iznos od po 4.000,00 KM, te je od oštećenog pod prijetnjom da će ga baciti kroz prozor uzeo i vozilo pod prijetnjom, a koje vozilo mu je oštećeni i predao i to vozilo marke BMW X6 bijele boje, švicarskih reg. Oznaka ..., broj šasije ... vlasništvo BMW Group po lizingu korišteno od strane L. L. iz Švicarske, koje vozilo je I.D. koristio na području Bugojna, a potom na dan 20.07.2022.godine nakon naprijed navedenih prijetnji, nakon što je oštećeni I.D. predao novac u iznosu od 10.000,00 KM M. I., a koji novac je prilikom lišenja slobode od strane OSO FUP Sarajevo oduzet od M. I. i to u apoenima od po 43 (četrdesettri) novčanice u apoenima od 200,00 KM, 13 (trinaest) novčanica u apoenima od po 100,00 KM, 2 (dvije) novčanice u apoenima od po 50,00 KM, te je od M. I. oduzet i pmv BMW X6 reg. oznaka ... koji je po lizingu u korištenju L. L. iz Švicarske.

Dakle, s ciljem da sebi pribavi sebi znatnu protupravnu imovinsku korist ozbiljnom prijetnjom prisilio drugog da što učini na štetu svoje i tuđe imovine.

2. Dana 08.11.2022.godine oko 13.00 sati, na magistralnom putu Bugojno-Novi Travnik na Rostovu, ozbiljnom prijetnjom da će napasti na život i tijelo oštećenog T.Ž. koji ga je prijavio za izvršenje krivičnog djela Kantonalnom tužilaštvu Travnik, ugrozio sigurnost oštećenog, na način da je istom uputio ozbiljnu prijetnju po život i to na način da je sa pmv marke „Audi A4“ sive boje kojim je upravljao I.M., prilikom kretanja iz pravca Novi Travnik navedenom magistralnom cestom prema Bugojnu u naprijed navedenom mjestu kad se iz suprotnog pravca sa pmv „Rang Rover“ reg. oznaka ... iz pravca Bugojna prema Novom Travniku kretao oštećeni T.Ž. sa predmetnim vozilom u svojoj saobraćajnoj traci, u kojem vozilu se kao suvozač nalazio i K.E., svjestan da ozbiljnom prijetnjom ugrožava život oštećenog što je i htio, te sa pmv „Audi A4“ naglo prešao u saobraćajnu traku kojom se sa pmv „Rang Rover“ kretao oštećeni usljed čega je oštećeni morao naglo skrenuti udesno da bi izbjegao kontakt sa pmv „Audi A4“ kad je naglo zaustavio vozilo prije kanala koji se nalazio uz samu saobraćajnu traku i u tom trenutku je I.M. gledajući u oštećenog sa kažiprstom na svom vratu pokazao oštećenom kako će mu presjeći vrat i opsovao oštećenom majku, koju prijetnju je oštećeni ozbiljno shvatio po svoj život, te vidno uznemiren zamolio je K. E. koji je osjećao uznemirenost, koji je u tom trenutku preuzeo vožnju od T.Ž. zbog njegove vidne uznemirenosti i o navedenom događaju obavijestili ovlaštene službene osobe PS Novi Travnik, nakon čega je od NN osoba K.E. „sugerisano da zaboravi sve što se dogodilo za navedeni dan“, zbog čega je isti oprezniji kada koristi vozilo od I.D..

Dakle, ugrozio sigurnost neke osobe ozbiljnom prijetnjom da će napasti na život ili tijelo te osobe i na taj način izazvao uznemirenje građana.

Čime je počinio produženo krivično djelo „Iznuda“ iz člana 295. stav 2. u vezi sa stavom 1., a sve u vezi sa članom 55.KZ F BiH i krivično djelo Ugrožavanje sigurnosti“ iz člana 183. stav 1. u vezi sa članom 54. KZ F BiH.

U skladu sa odredbom člana 114. stav 1. KZ F BiH predlažem da se od osumnjičenog I. M. oduzme novac u iznosu od 10.000,00 KM s obzirom da se radi o novcu koji je pribavljen krivičnim djelom.

U skladu sa odredbom člana 88. ZKP-a F BiH da se po Rješenju Općinskog suda u Bugojnu broj: ... od 21.05.2024.godine vozilo BMW reg. oznaka ... broj šasije ... sa pripadajućim ključem oznake BMW crne boje i pratećom dokumentacijom vrati L. L. koja je po naredbi suda po prijedlogu tužilaštva i dozvoljena na dan 21.05.2024.godine.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.

